

PREPARACIONOU D'AR MARO,

COMPOSET E GALLEC

GANT

AN TAD CRASSET, JESUIST,

A TROET E BREZONEC

GANT AN AUTROU

CHARLES AR BRIS,

BELEC A LEON.

*Estote parati, quia quâ hora non putatis;
filius hominis veniet. En em breparit dar
maro, rac dan heur na songit q'et e teui ar
barner d'o q'ervel da renta count dezân.*

LUC, 12. 40.



E MONTROULEZ,

E TY V. GUILMER, IMPRIMER HA LIBRER.

1840.

APPROBACION.

J. M. D. DE POULPIQUET DE BRESCAN,
VEL, dre an drugarez a Zoue, a dre autorite
hon Tad santel ar Pap, Escop a Guemper ;

Var ar rapport avantachus græt deomp gant an
Autrou KERVENNIG, Person e Taule, eus ur scrit
brezonec anvet : *Preparacionou d'ar Maro*, dres-
set a scrifet a nevez gant an Autrou TANGUY,
Person a Sant Thegonec, e credomp penaus al
levr-ze a ell servichout eals da ziuna, da antreteni
a da sclerigenna devocion an dud fidel : evel-se e
permettomp d'an Autrou GUILMER, e imprima
ac e zistribui en hon Escoptry.

Roët e Q'emper, ar bevarzee dervez a vis du,
er bloas mil eis cant nao a tregont.

† J.-M.-D., Escop a Guemper,
Dre urs an Autrou'n Escop.

ALEXANDRE,
Chalony a enor, Secretour.

OBSERVACION.

Evel ar preparacionou an Autrou Bais, à so un nebeut
hir a placet e fin levr ar Finvezou diveza, pini a so ral en on
touez, e zeus cafet apropos, evit commodite ar Vretonet, o
abregi ac o imprima e particulier, gant un nebeut exhorta-
cionou ac inspiracionou touchant, tennet eus a eul levr gal-
lec approuvet mad.

AVERTISSAMANT

EVIT LACAT E PRATIC

AR

PREPARACIONOU DAR MARO

PERE SO AMA VARLECH.

EVEL na deus tud a guement a
so dibourveoc'h a sicourou humen
en heur ar maro, eguet ar Bai-
santet divar ar meas, a ma varv
an darn vuya anezo, casi eguis ane-
valet, ep den d'o assista, pe da

viana ep e c'houffet ar voyen pe ar feçon d'o assista; un œuvr a drugarez ar vrassa vezo distribui ar preparacionou-ma en o zouez a q'er-couls e touez an dud paour er c'herriou, ac o lacât etre daouarn an autronez ar Veleyen, ma en servichint anezo d'o assista var o maro. Ar seurt alusen-mâ a vezo profitaploc'h dan dud paour-se eguet pa rofet dezo sommou bras a arc'hant, pa brocurer dezo, dre ar voyen-se, un eurusdet eternal. Oc'h o sicour evellen da ober ur maro mad, ec'h oblichor an AElez gardien ac an Autrou eus an oll AElez da recompansi dre ur maro mad ive ar re pere o devezo exercet an œuvr a drugarez-mâ en o andret. E certen paressiou divar ar meas e zeus Personet pe Gureet devot pere o deveus ar sourci da assambli ur vech er mis ar

Baisantet en o ilis, ac a zeu da recita dirazo unan bennac eus ar preparacionou-mâ; a gemen-se a laca en o zouez ur profit pini ne oufe q'et beza istimet aoualc'h; dre ar voyen-se an dud q'eiz-mâ a zesq beva erfat a mervel erfat ive, ac ober actou a vertuz peveus a re ne anavezont q'et ar pratic, peguen neecesser bennac e vent, e peb amser a da bep seurt tud, ispicial e fin ar vuez.

An tadou ac ar mamou a allo ivez, ur vech en amser, assambli dious an nos o bugale a tud o zy; a goude beza o avertisset d'en em gonsideri evel pa vent prest da vervel, recita en o fresanç unan eus ar preparacionou-mâ, var o daoulin. Pep den, en e bart e-hunan, a ell ober ar memes tra, q'ellies a ma caro, en e dy pe en ilis, abarz mont da gofes a da gomunia. An actou a vertuz pere

a rer oc'h o recita, a servicho da
elumi er galon ar gontricion ac an
devocion a dleer da gaout neuse.

Mad ve ive lenn ar preparationou-
mâ pa vezer importunet gant un
dentacion violant bennâc; rac ne
deûs netra capaploc'h d'e moug
eguet ar songeson eus ar maro. *Hoc
fac et vives*, heullit an avisou-ma
ac e vefot eternellamant.

*Beza zeus tri seurt preparacionou:
da guenta ar re a dleer da ober
a amser da amser epad ar ye-
c'het, evel ma zeo merq'et ama
diaroc; dan eil ar re a dleer da
ober en istant ma santer ar c'hlen-
vet dangerous; a dan trede ar re
a reer pa veler ar c'hlanvour en
e amser diveza.*

AR GUENTA SEURT PREPARACIONOU
PEREA DLEER DA OBER EPAD AR YEC'HET.

EUS A BEGUER BRAS CONSECANÇ EO EN
EM BREPARI D'AR MARO.

Mar deus amser ebet a guement ma ve obliget
ur c'hristen d'en em recommandi da Zoue a
da ober actou eus a garantez, eo certenmant
an amser eus ar maro; q'en abalamour d'an
danger ma en em gueb neuse da vont da goll

eternellamant, q'en abalamour da obteni ar c'hraç eus ar berseveranç pini ne dle Doue da zen; q'en abalamour da accomplissa ar c'henta ac an necessera eus an oll gourc'hemennou, pini on obliç da garet Doue e pep amser a principalamant e fin or buez. Cousgoad ne deus amser a guement ma vemp nebeutoc'h capabl d'e ober eguet neuse; rac ouspen ma vezomp surprenet alies, pe ma collomp ar rason ac ar santimant toutafet, pe da viana ne vez q'et or speret libr aoualc'h evit en aplica en on dever pa vezomp clàn, ne sonjomp nemet en or poan; a mar sonjomp avechou e Doue, ar poaniou pere a santomp ac ar spont or bez rac ar maro a rac justic Doue, on ampech da gonceo carantez evitan a da brodui an actou eus ar vertuziou-all pere so necesser deomp neuse.

A rac-se ar brudanç a c'houlén ouzomp ma raïmp alies epad or buez an actou pere so leqet amâ, gant aon na alfemp qet o ober en heur ar maro, rac ouspen ma vezzint essoc'h deomp da ober neuse oc'h en em accustumi dezo bremâ,

Doue, eus a beini ar vadelez a so infinit, a pini ne zesir netra q'ement evel or savetei, a accepto (evel ma en deus revelet da ur santes) ac a recevo ar breparacion a reomp epad or buez elec'h an ini ne allimp q'et martese da ober en heur ar maro.

Evit assuri eta an affer eus or silvidiguez, ac evit en em zispos da ober eürusamant ar veach vras eus an eternite, en em liqit ur vech er mis, pe liessoc'h, mar q'irit, e stad da vervel; ac en em gonsiderit evel un dèn clàn pini so prest da renta e ene. Grit neuse ous Doue ur confession spirituel eus ar pec'hejou brassa eus o puez. Recevit spirituelamant ar viatic ac an noüen; goude-se grit a greis calon an orasonou ac an actou a vertuz pere a so ama varlec'h.

ORÆSON D'ON AUTROU JESUS-CHRIST.

O va Salver! ra blijo gant ar vere'hes glorius Vari o mam benniguet, intercedi evidomp dirac o madelez infinit brema ac en heur eus or maro; hi pini e deoue e ene sacr treuset gant ur c'hleze

a c'hlaç'har en amser o passion. Ac evel ma devez assistet var o maro, ra blijjo ganti assista ive var on ini, a receo on ene etre e daouarn evit e fresanti deoc'h, va Jesus, on Doue, or Barner ac or Salver; c'hui pini a vev ac a rên gant Doue o Tad, en unite ar Speret-Santel, epad an oll eternite. Evel-se bezet græt.

ORÆSON DAR VERC'HES.

Ni osupli, Guere'hessacr, mam din da Zoue, d'on difen en heur maro a enep an adversourien eus or silvidiguez, a na bermetot q'et e ve daonet eternalamant on ene pini en devez o Map divin p'prenet gant e c'hoad precius, a pevit ini oc'h eus en bet ofret e sacrific var ar groas. Evelen bezet græt.

ORÆSON DA SAINT JOSEPH.

O patriarch santel a glorijs! Sant Joseph, pi ni oc'h eus bet ar maro ar gaëra a oufet da gaout; obtenit deomp ar c'hraç da vervel evel doc'h etre divree'h Jesus a Mari, evit ma jouissimp gueneoc'h eus o c'hompagnunez en eë. Evelen bezet græt.

ORÆSON DA SANTES BARBA.

O Santes Barba! victim glorijs eus ar feiz, c'hui pini a obten dar re pere en em adres deoc'h ar c'hraç da receo, abarz mont eus ar bed-mâ, o sacramanchou diveza; ni o supli humblamant da brocure deomp ar faver-se, evit dar fin o veza salvet dre o sicour, ma canimp meuleudiou da Zoue er barados eleac'h ma vev a ma rên Jesus-Christ gant Doue e Dad ac ar Speret-Santel. Amen.

ACTOU A VERTUS PERE A DLEER DA OBER EN HEUR AR MARO AC EPAD AR VUEZ.

† En hano an Tad, ac ar Map, ac ar Speret-Santel. Amen.

Evel ne oun q'et pe da heur e varvin, na pe me am bezo amser evit en em brepari var benneuse, pe me am bezo aoualc'h a nerz ac a santimant evit applica va speret en affer eus va silvidiguez; me o supli, ô va Doue! da accepti ar resolucionou pere a ran brema a da receo ar breparacion-mâ eleac'h an ini ne allin q'et martese da ober e fin va buez.

ACTOU A FEIZ AC A ADORACION.

O majeste souveren ac adorabl ! pini oc'h eus va leq'at er bed evit o servicha , evit oc'h enori , evit o caret , ac evit observi o courc'hemennou divin , chetu me astennet var ar guele-mâ , prest da-renta va ene , mar de o polontez e goulén digueneën bremâ , oc'h anaout ervat ac o credi ferm ezouc'h va Doue , an Autrou unie eus ar bed universel , pini oc'h eus va c'hrouet , pini eo an objet eus va oll esperanç ac ar mad souveren pini eb-q'en a ell va renta eürus. Me oc'h ador gant brassa respet ac humilite a so possubl din : me a soumet va speret dan oll guirioneziou oc'h eus revelet deomp : me a gred q'ement a zesq deomp or mam santel an Ilis catholic , apostolic a romen , ac a gondaon q'ement tra e deveus condaonet. Me a fell dign mervel e comunion ar re pere a ene evit o mam an Ilis santel-mâ.

ACT DA DRUGARECAT DOUE.

Me o trugareca , va Doue , eus a guement mad

spirituel a temporel am eus recevet digueneoc'h , ac eus a guement droug m'a oc'h eus va freservet a delivret diountàn epad va buez. Me o trugareca eus a guement servich oc'h eus leq'eet o crouadurien da renta din epad va buez. Pebez graç , va Doue , da veza grêt din beza ganet etouez ar gristenien catholic , apostolic a romen ; d'am beza recevet en oc'h ilis evit unan eus o pugale ; d'am beza maguet gant ar c'hig ac ar goad precius eus o Map q'er a d'am beza rentet participant eus e speret divin. Petra rentin-me dec'hu , va Autrou , evit q'ement a sclerigen oc'h eus roët d'am speret , evit q'ement a gonsolacion oc'h eus roët d'am c'halon , evit q'ement a voal accidanchou oc'h eus distroët divarnon , evit q'ement a bec'hejou oc'h eus pardonet din ac evit ar bariantet oc'h eus bet d'am gortos a d'am suporti q'eit amser em goal inclinacionou ?

O va Doue ! re nebeut eo un eternite evit o trugarecaat ; re nebeut eo ur vuez evit o caret ac evit anaout q'ement a c'hraçou evel am eus recevet digant o madelez infinit. Ma em be q'en-alies a

vuez evel a zeiz ameus bevet var an douar, e tiefen o implija oll evit o cloar ; mæs allas ! n'emeus nemet ur vuez pini a aparchant ouzoc'h dre un infinite a ditrou, ac ameus implijet casi oll, siouaz ! d'oc'h offansi. Me ofr deoc'h cousgoude va buez, o va Doue ! peguer miserabl bennac emeus-i tremenet. Me o ped d'e receo en anaoudeguez eus oc'h oll madelezou em andret ac e satisfaccion eus va oll bec'hejou ac eus va oll ingratiri en oc'h andret, va C'hrouer. Ne zepand q'et diouzin meryel pe chom ep mervel ; mæs mervel a ran gant q'ement a volonteiz vad evel pa zepante va maro dioc'h va bolonteiz va-unan ; a ma na ven q'et obliget da vervel, va Doue, me a c'houlense ouzoc'h ar maro evel ur c'hraç, evit oc'h enori dre ar sacrific eus va buez ac evit disquez deoc'h va anaoudeguez vad a va c'haranteiz, dre ar c'holl eus va buez pini eo preciussa tra on eus er bed-ma.

ACT A GONTRICION.

Pe a du bennac e sellan oc'h va buez, allas ! e c'hafan horrubl meurbet ; an niver eus va fec'he-

jou a so infinit ; ar valiç anezo a so estranch ; padet int q'et a ma ze padet va buez. Petra rin-me, na peleac'h e tec'hin-me nemet etre o ti-vrec'h, ô va Doue leun a drugarez ! En em abandoni a raen d'an disesper ma na oufen q'et erfat penos ne fell q'et deoc'h maro ar pec'her a ne zezirit dezan nemet ar vuez, o fallout deoc'h e teue d'en em gontervissa a da zistrei ouzoc'h. Pliget gueneoc'h eta, va Doue, va savetei, rac ansao a ran e zoun ar brassa eus an oll bec'herien : o pet truez ouzin ervez o prassa trugarez ive : effacit va mechancete dre an niver infinit eus o madelezou : va goalc'hit mui-ouz-vui a va netait dious va fec'hejou, rac e maint ato dirac va daoulagat ac e leq'cont ur spont bras em c'halon.

Allas, va Doue, va zad q'er ! Pec'hi am eus grat a enep an eê a dirazoc'h : ne doun q'et din da veza galvet unan eus o pugale : re a enor e ve din beza e-touez o servicherien. Anaout a ran e zoun coupabl bras dirazoc'h, ac evit dizquez va regret, e consantan e ve puriflet dre an affliction ar c'horf-mâ souillet dre guement a blijadureziou

brutal. Countant oun e ve debret gant ar prevet a chenchet e poultr ac e ludu goude va maro. Mæs c'hui, va Doue, a paouezet oc'h-u da veza tad din-me abalamour ma em eus-me bet ancounac'heat e zoan unan eus o pugale? A n'oc'h eus-u mui an antraillou-se a drugarez pere o devez græt deoc'h livra o Map unic d'ar maro evit ar bec'herien? Mar em eus-me cometet peadra d'am daoni, a collet oc'h eus-u peadra d'am savetei-me?

O va Jesus, leun a zouçder, leun a gonsolacion evit an eneoù affliget ! O guir refuch dar bec'herien baour ! En em strinca a ran etre o tivrec'h, desolet oll d'o peza q'ement offancet ; resolvet ma d'a renonc evit james d'an oll vicoù. Detesti a ran eus a greis va c'halon an oll fotou eus va buez tremenet, ac e c'houlennan ouzoc'h humblamant pardon anezo. Pardonit-i, va zad ; va zad carantezus, pardonit-i din. Pardonit din va oll ingratiri en oc'h andret. Evel-se bezet græt.

ACT A ESPERANC.

Enoc'h epq'en eo ec'h esperan, va Doue, aba-

lamour ma zoc'h va zad, va c'hrouer, va redemptor ; var o madelez a var ar meritou eus o map q'er, va Jesus, eo e fontan va oll esperanc. Pe seurt crimou bennac am-be coumetet, ne zisesperin james, dre ma c'houson erfad eo an disesper unan eus ar brassa pec'hejou a oufet da goumeti, ac o pije pardonet da Yusas memes, ma en devije bet recours deoc'h gant ur guir fianç. Va saveteit eta, va Autrou, a va dilivrit dious an ifern, pa lacàn va esperanc en o drugarez.

Guelet a rit, va Jesus, pe da extremite oun rentet : chetu ama va c'horf languisset gant ar boan, va speret beuzet en denvaligen, va ene prest da sortial eus va c'horf, ac en danger da veza precipitet en ifern, ma na blich gueneoc'h asten dizi o torn. Ne deus den a guement a alfe va c'hon-soli em affliction, na va soulagi em poaniou, na va difen ous va adversourien, nemed oc'h-u, va Doue : selaouit eta, mar plich gueneoc'h, ous va feden ; bezit truezus ous va foan a va dilivrit dious an danger en pini emañ.

Me a recommand deoc'h va speret, ac a laea va c'horf a va ene etre o taouarn. C'hui so un Doue a vadelez pini oc'h eus va frenet, ac un Doue a virionez pini ne vanq'it james d'o promessaou. A n'oc'h eus q'et prometet, va Doue, penos nep a espero enoc'h ne guezio q'et dindan puissanc e adversourien, a penos nep a receo o corf sacr en devezo ar vuez eternal. Me am eus en recevet dre o erag, va Salver. Cridi a ran enoc'h, esperout a ran en o trugarez. Na soufrit q'et etae zaen da goll : va c'hemerit dindan o proteccion, a na list q'et da guezio er vez ac er confusion unan eus o servicherien pini en deus esperet enoc'h ato. Evel-se bezet græt.

ACT A GARANTEZ.

Caromp Doue dre ma en deveus or c'haret ar c'henta. Or c'haret en deveus a bep eternite dre ur garantez a breferanc, oc'h or beza choaset etouez q'ement a bayanet pere en deveus leset en denvaligen eus an infidelite. Or c'haret en deveus ac or c'haret a ra dre ur garantez infinit, pa fell

dezan rei deomp e varados pini so ur mad infinit, a pa en deveus e Vap unic scuillet evidomp e oll c'hoad pini so eus a ur pris infinit.

O ! peguer mad eo an Doue a Israël, peguen douc effen, peguen din effen da veza caret ! O va ene ! bezomp anaoudec en andret on Autrou ; trugarecaomp-en a meulomp e hano santel a greis or c'halon ; rac en eo a bardon deomp on oll of-fançou ; en eo a zeu da yac'haat on oll infirmiteou, da bourvei d'on oll izomou, d'or c'harga eus e oll c'hraçou.

O va Doue ! me am eus regret d'o peza offancet ! Penos em eus me gallet o-quitaat, c'hui pini a so ar sourceen a gonsolacionou infinit, evit en em ruillañ en un abim a viseriu ? Malheur d'am dallentez a d'am ignoranc : malheur d'an amser n'a neus q'et oc'h anavezet : malheur d'an amser n'ameus q'eto caret. Allas ! n'e meus græt nemet oc'h offansi, ô madelez infinit ! c'hui pini eo ar guenet pini a verit beza ato caret ac a so cousgoude abandonet a dispriset. Ah siouas ! re zivesat em eus o caret, guenet bepret ancien a bepret nevez ; re zivesat

em eus o caret. Grit din da viana , o va Doue ! o caret ar rest eus va buez. Lavaret oc'h eus penos ne deus q'et brassoc'h carantez eguet mervel evit nep ma on eus carantez evitan. Hebien ! va Jesus, me fell din mervel evidoc'h ; dec'hu e roan ac e consacran va buez. Accepti a ran abalamour deoc'h ar maro a q'ement poan a blijo gueneoc'h a errufe guenén. A galon ac a c'hinou e lavaran gant unan eus oc'h ebestel : Deomp ive ni, deomp da vervel gant or Salver ; deomp da vervel evit an ini a so maro evidomp ; deomp da vervel en e garantez. Evel-se bezet græt.

ACT A GONFORMITE AC A RESIGNATION DA VOLONTEZ DOUE.

Me voar erfat, va Doue, ne erru netra er bed-mâ nemet dre oc'h urz pe o polontez, a ne ouffet q'et tenna ur vleven eus va fêñ ep o permission. Me oar erfat em c'hirit a ne zesirit q'et maro ar pec'her, q'ent-se ne fell deoc'h nemet e teue d'en

em gonvertissa a da ober pinigen evit ma vezo salvet. Me oar erfat eo evit va frofit eo e teuit avi-chou d'am afflija, da zigas din ur c'hlenvet bennâc, mæs netra ne ell dispartia va ene dioc'h va c'horf nemet o polontez ve. Accepti a rin eta ar maro peur bennâc eplijo gueneoc'h en digaçoc'h en em soumeti bepret d'o polontez divin evit q'ementa blijo gueneoc'h da ober ac'hanon. N'e meus netra da c'houlén ouzoc'h nemet ma vezo grêt ato o polontez, a ne vezo gæt james va ini-me nemet conform e ve doc'h ini-u.

Va zad benniguet, pa bresantor din eus o perz ar c'halirv eus ar maro pini a so c'huero meurbet, a ne vezo q'et a voyen d'am dispanç d'e efa ? Pellait-en, mar bez possubl, dioc'h va guinou ; cousgoude o polontez bezet græt a non pas va ini-me.

Abandoni a ran gueneoc'h, va zad divin, ar sourci eus va c'horf ac eus va ene evit an amser ac evit an eternite. Pa falvezo deoc'h va zenna eus ar bed-mâ a va guervel da vidoc'h, contant vizin ; ra vezo meulet oc'h hano santel. Mar fell deoc'h va lesel c'hoaz var an douar evit ober pini-

gen ac evit renta servich deoc'h, ne refusan q'et an drevel : roit din ebq'en ar sicour eus o c'raç evit accomplissa o polontez. Na hermetit q'et e ven trec'het gant an adversourien eus va silvidiguez, mes va dilivrit dious ar maro eternal dre ar meritou eus a Jesus-Christ va Salver. Evellen bezet græt.

ACT A ZESIR DA VELET DOUE.

Evel ma teu ar c'haro, pa vez pourceuet gant ar chass, da redee a da huanada gant un hast bras etrese ar frescadurez eus an dour, evel-se ivez e teu va ene da huanada gant an desir ac an ast da vont etresec enoc'h, va Autrou a va Doue. En em rejouisset oun pa ze lavaret din : mont a raïmp da dy on Autrou. O! kear gaër a Jerusalem, o kear santel eus an eë, pe veus a ini an habitantet a so unisset assambles gant al liamou a garantez ac a beoc'h pere ne ouffent james beza torret! O va Doue, peguer caër e o tabernaclou-u! Peguer pinvidic int-i! Peguen din int-i da veza desirèt! Va ene a languis gant an desir da antrea

en o palæs sacr a d'o meuli e compagnunez an alez! O peguen eürus eo ar re a ra o demeurenç en o ty-u! Eno e canint meuleudi deoc'h epad an eternite.

Deut eta, va Autrou Jesus; deut, q'enta ma ellot, d'am guervel eus va banissamant : tennit va ene eus e frison evit ma zaï da veuli oc'h hano santel en o parados. Ar sent ac ar re just a so oc'h va gortos eno : astit eta, va Doue, d'am guervel en o c'hompagnunez evit ma o meulin a ma o clorifiin ganto epad an oll eternite. Houmâ eo ar beden a ran deoc'h gant ar vrassa humilite a so possubl din, me pini eo an disterra eus o servicherien ac am be ur joa vras o vervel abalamour m'ac'h esperàn mervel evel unan eus a vugale o mam sacr, ar Vere'hes Vari, pini a so ive va mam benniguet, ac evel unan eus a vugale or mam santel an llis catholic, e comunion ar re pere o servich var an douar, ac a rên gueneoc'h en eë, eleac'h ma e meus esper d'o quelet a d'o caret ganto, va Salver, epad an oll eternite. Evellen bezet græt.

EIL SEURT PREPARACIONOU
DA OBER EN AMSER AR C'HLENVET.

AVISOU UTIL DAR RE A ASSIST AN DUD
CLAN E DANGER AR MARO.

Evel ma zeo ar momeñchou diveza eus ar vuez eo ar re importante, a ma zeo neuse principalamant eo ec'h implic'h an drouc-speret e oll valiñ da stigma rouejou d'an dud clàn, evit, mar guell, ober dezo coll ar gurunen e fin ar gombat, neuse ive eo e tle ar re a so oc'h o assista ober o oll bos-subl evit diseleiñ finessaou an adversour cruel ac anaout an tentacionou diffarant da bere e fell dez-an o exposi evit essa o surprén. Ret eo eta ive implija remejou diffarant a capabl da renta inutil oll efforchou ar speret infernal.

Ret eo oposi an esperañç d'an disesper; ar fizianç e misericord an Autrou Doue d'ar spont re vras rac e jujamanchou; ar rigol eus e justiç d'ar

bresompçion pe ar re a fizianç; ur feiz humbl a ferm d'an douetançou a d'ar santimanchou control d'ar feiz a da zecisionou an Ilis. Ret eo angagi an den clàn da ziousal ouz a re pe re nebeut a esperañç pe a spont. An eil ac eguile a so dangerus meurbet. Ret eo diüna, exita courach darn eus an dud clàn, en eur lacaat dirac o daoulagat ar vadelez ep musur a Zoue, ar meritou infinit eus a soufrançou a goad precious Jesus-Christ. Darn all o devez re vras fizianç e misericord an Autrou Doue, ac o c'haloun re nebeut touchet eus an niver ac ar c'hrevusdet eus o fec'hejou; ret eo o disabusi en eur inspira dezo horrol ous ar pec'het, ac ur spont santel rac ar Barner souveren dirac pini e ranq'int ep dale parissa da renta ur gont piz eus o oll buez.

Caout a raor ama varlerc'h remejou convenabl da bep seurt tentacionou. An dud carantezus e q'ichen un den clàn a choaso ar remed a gaffint convenapla da stad ar c'hlanvour.

Mæs ret eo lacât evez da importuni a da squiza an dud clàn o chom reir da len dezo. Ret eo en

em gontanti da rei dezo nebeut bevech eus ar va-
gadurez divin-mâ, o len dezo un nebeudic brema
ac un nebeudic-all goude-se, ep o squiza. Ret eo
proporcioni an instruccionou ac ar pedemnou da
stad an den clàn. Mar de c'hoaz crê, ec'h allor
asten an exhortacionou evit e sicour da sevel e
speret discaret gant ar hoan, evit antreteni e ze-
vocion ac evit e greât enep tentacionou an drouc-
speret; mar deo dija simpl, e tleer en em gon-
tanti da lavaret nebeut a dra : un act ebq'en a
garantez doue ac a gonformite d'e volonteiz divin
a so aoualc'h evit effaci e oll bec'hejou ac evit di-
gueri dezàn ar Barados. Caout a raor en dre seurt
preparacion un nebeudic aspiracionou touchant,
pere a allo ar c'hlanvour da recita da viana a
galon, assambles gant nep o lenno.

AVISOU UTIL D'AR RE-GLAN.

Un dén clàn a dle ober tri zra, da c'houzout
eo : *soufr, oboissa a mervel.*

Soufr evit Doue, oboissa d'an dud, mervel deza
e-hunan.

Soufr gant courach, oboissa gant humilite,
mervel gant peoc'h.

Soufr q'ement poan a reer dezàn, oboissa da
guement er gouarn, mervel da guement a sonch
ac a zesir.

Soufr ep murmuri, oboissa ep resistanc, mer-
vel ep disfizianç.

Soufr evel ur pec'her, oboissa evel ur c'hristen,
mervel evel ur sant.

Soufr oc'h accepti q'ement a blich gant Doue
da ordren dezàn, oboissa oc'h en em resina da
volonteiz Doue, a galon vad, mervel o renta e spe-
ret gant carantez d'ar poent ma plij ogant or Sal-
ver Jesus-Christ e c'hervel, o prononc ar c'hom-
sou-mâ, da viana a galon :

Etre o taouarn, va Doue,

Me a recomand va ene,

Gueoc'h oun prenet, va Jesus,

Dre'r pris eus o coad precious. Amen.

Q'ENTA EXHORTACION.

EVIT EXCITA AN DÈN CLAN DA LACAAAT URZ EN E GOUSTIANÇ.

Ar garantez ameus evidoc'h , va breur (pe va c'hoar), ac an desir da brocuri deoc'h an oll sicou-rou necesser evit lacât o silvidiguez en assuranc, a angach ac'hanon da adressi deoc'h ar memes comsou a adressas guechal ar profet Isaias d'ar roue Ezechias: *Laq'uit urz en o coustianç, rac mer-vel a reot, noc'h eus q'et da veva.* Ne lavaràn q'et deoc'h e veac'h e vont da vervel ractal. Santout a rer couscoude o clenvet o voazât, o nerz o timi-nui ac an danger o cresq'i. Mar oc'h eus dija le-q'et urz en oc'h afferou spirituel a temporel, dre ar gconversion sincer, Doue ra vezo meulet; mæs mar oc'h eus c'hoaz un dra bennac da regli, na gollit q'et ur moment. Ma fâlfe da Zoue o tenna

eus ar bed epad ar c'hlenvet-mà, pebez desola-cion evidoc'h-u e moment ar maro, ma na ve q'et oc'h afferou e regl? Ordinalamant e sonjer nebeut en eternite epad ar yec'het a memes epad ar c'hlenvejou pere ne seblantont q'et dangerus. Chetu perac e teu Doue avechou d'on accabli dre glenvejou estranch a d'on lacât var bord ar bez; evit on divorfila, on tenna eus on negliganc ac ober deomp evita an abim e pini e zomp prest da gueza. Laq'uit eta, me o supli, laq'uit clasq ep dale o confessour. Ar remejou a roïe deoc'h ar medicin spirituel-se, ouспен parea ar gouliau a alfe ar pec'het da veza græt en oc'h ene, a roïe ive vertuz da remejou medicin o corf ac a alfe renta deoc'h ar yec'het, mar deo evit gloar Doue a silvidiguez oc'h ene.

Goude beza laq'et urz en o coustianç, e vezo a propos regli ivez an distribucion eus o madou; ma n'oc'h eus q'et c'hoaz reglet an affer-se a mar sonch deoc'h e ve q'emen-se necesser evit miret na ve nac injustiç na chican en o famil goude o maro. Mæs reglit pep tra ervez ar reglennou eus.

ar brudañ christen. Diouallit d'en em exposi,
evit pinvidicât oc'h heritourien, da zevi en ifern
a da gaout izom êus ur beradic dour da refresq'i o
teod e creïs ar flamou eternal.

Dabord examinît mad ac'èn a so leal q'ement
so e touez o tanvez, evit distribui brema ar pezh
ne aparchant q'et ouzoc'h legitimamant. Ne ouffet
q'et antren er barados gant madou goal acq'isitet,
pa vezer c'hoaz e stad d'o renta d'o fere'hen. Bir-
viq'en, eme sant Augustin, ar pec'het ne vez
pardonet nemet raparet ve-an tor a ve gret pa
aller e rapari.

Goude beza merq'et da bep ini eus oc'h heri-
tourien ar pezh a ziguez gantan, merq'it ive da
vemprou Jesus-Christ, pere eo ar beaurien, al
loden a aparchant outo; merq'it c'hoaz ar pezh a
ve apropos da implija en œuvrou mad-all ac'evit
ñacaat pidi evit repos oc'h ene; ar voyen vezo da
renta o Parner favorabl en oc'h andret, e moment
ar maro.

Oh! pebez contantamant! Pebes joa ne san-
set-a q'et en instant ma o pezo evel-se laq'et urz

en oc'h afferou spirituel a temporel! Ar violanç
eus o clenvet a zouçao, ar spont rac an ifern a
ziminuo, an desir da velet a da bossedi o Toue,
an objet unic eus o carantez, a gresco. N'o pezo
mui evit ar bed, e vadou, e enoriou, e blijadu-
reziou nemet degout a disprijanç. O stad eürus!
Courach ta, va breur (pe va c'hoar), courach;
na huadit nemet etresec an eê eleac'h ma e ma
o tensor, ar porz eürus da bini ar maro o conduo
gant graç Doue. Evellen bezet gret.

EIL EXHORTACION.

EVIT EXCITA AN DEN CLAN DAR C'HLAC'HAR EUS E BEC'HEJOU.

Goude beza græt ur sell piz oc'h o coustianç a
remerq'et enni martese cals a zisurziou, songit,
va breur (pe va c'hoar), songit q'eit a ma o c'heus
c'hoaz o reson ac o speret libr, songit da brofita eus
ar c'halm-se evit o sanctificacion. Adorit ar va-

geste divin a goulennit oontan humblamant pardon eus oc'h oll offañcou. Ar roue David, pegue-
ment bennac ma voa assuret gant ar profet Natan,
e voa pardonet dezan e bec'hejou, ne eanas cous-
goude da voëla dourec ar rest e vuez ; bemnos,
emezan, e tempre e vele gant e zaëlou a gant ar
pez a zebre e vesq'e al ludu. Repetit alies, va
breur (pe va c'hoar), ar c'homsou touchant-ma
pere a verq q'er scler e c'hlac'har c'huero : *O pezet
truez ouzin, va Doue, ervez o trugarez, ac effacit
va drouguiez ervez o madelez infinit.*

Evit en em excita mui-oc'h-vui d'ar c'hlac'har,
d'ar c'heuz-se, songit a amser da amser e q'ement
en deveus græt Doue evidoc'h, e q'ement a c'hra-
çou oc'h eus recevet digantan, e q'ement a zan-
gerou dious pere en deveus o preservet, ac anfin
er madoberou a bere en deveus o tonesonet a pere
oc'h eus implijet evit e offanci eleac'h e drugare-
cât ac en em servichout anezo evit e c'hloar.
Petra na dleît q'et eta da ober a da souffr evit ex-
pia, effaci un ingratiiri q'en horruhl ? Din eo eus
o taëlou ac eus an huanadou eus o calon. Accep-

tit a volonteiz vad an oll boaniou a andurit evit
satisfia d'e justic : goude q'ement a infideliteou eus
a bere eo souillet o puez, e tleît en em estim re
eürus e c'houlense Doue q'ennebeut a dra digue-
neoc'h. Guir en devoa d'oc'h abandoni en o prassa
ezomou. Mæs bet en deveus truez ouzoc'h. Di-
gasset en deveus e Vap evit savetei ar bec'herien
a meritout dezo ar vuez eternal. A q'en a ranfet
evit brusuna o calon gant ar c'heuz da veza of-
fancet un Doue q'er mad, un tad q'er carantezus,
ur madoberour q'er generus ? A q'en a rancfet
evit oc'h angagi da lavaret, evel sant Augustin,
a gant an denerra affection : Va Doue, va Doue,
va' zad q'er, va refuch ! Va c'halon ne huanat
nemet e treusec enoc'h ; etre o tivrec'h eo en em
dolan ; santout a ran un desir ardent da vont da-
vidoc'h. N'am abandonit q'et e creis an dangerou
spontus da bere ez oun exposet ; deut d'am sicour
em ezomou ; o pezet truez ouzin, c'hui eo va oll
esperanc, va souten a va oll vad.

TREDE EXHORTACION.

EVIT EXCITA AN DEN CLAN DA GONFORMI E VOLONTEZ DA INI DOUE A DA ZISTA- GA E GALON DIOUS TRAOU AN DOUAR.

Adorit an dessinou eus a Zoue varnoc'h, va breur (pe va c'hoar): na songit, er stad ma en em guift, nemet da gonformi o polontez gant e ini. Dangerus e ve evidoc'h caout c'hoaz o calon stag oc'h ar bed ac oc'h ar graquadurien: ne dle beza mui nemet da Zoue ebq'en. Ar garantez evit ar bed, evit an enoriou, ar pinvidiguezioù, ar plijadurezioù, evit ar vuez memes, a dle beza antieramant mouguet enni. Doue a ofr deoc'h ur c'hloar, tensorsiou, plijadurezioù e compareson da bere q'ement so er bed a brechiussa, a chalmanta, ne deo nemet neant. Ne dleit mui en em occupi eus ar bed nac eus a afferou temporel. N'en em emelliit brema nemet eus oc'h afer unic, afer o silvidi-

guez. Chetu ase oc'h afer bras ac an importante eus an oll. Laq'it oc'h oll esperanc e Doue. Mar finis ep dale an amser evidoc'h, an eternite, eus a bini an eürusdet ne finisso biq'en, a gomanço neuse, ac o maro a vezo ur soürceen a vuez. Conformit o polontez da ini Jesus-Christ pini a zalc'h o curunen etre e zaouarn; a pe a falvezo dezan o lesel c'hoaz ur pennat amser da languissa var an douar en ur asten o clenvet, pe en a blijo gantan o tenna brema eus ar bed, bezit atô egalamant soumetet. Ar maro a dle seblantout douc d'an nep a guel ar vuez c'hüero; a pa na gafer q'et a blijadur o veva, e tleer caout joa o vervel. Pe seurt attiz a alfe ar bed da gaout c'hoaz evidoc'h endra ma ze o corf accablet a boaniou violent? Livirit evel or Salver er Jardin Olivet: *Va Doue, dougañt, mar deo possubl, ar violanc eus va c'hevvet, mæs cousgoude o polontez bezet græt a non pas va ini-me.* Livirit gant sant Augustin: *Troc'hit, devit, o va Doue! n'am espennit q'et er bed-mä, gat ma em espennot a ma reot din graç a trugarez er bed-all.* Va Doue, na bellañt q'et

diouzin a n'am zretit q'et en coler ; va zretit ervez
e trugarez infinit.

PEDERVET EXHORTACION.

EVIT EXCITA AN DEN CLAN D'AR BAC-
CIANTET , ER GUEL EUS A GROAS
JESUS-CHRIST.

En em consideri a ellit, va breur (pe va c'hoar),
easi evel er memes stad ma voa or Salver er Jar-
din Olivet. Seblantout a ra din o clevet o lavaret,
eveltan, *eo trist oc'h ene betec ar maro*. An aelez
ne zisq'ennint q'et eus an ee evit dont d'o consoli.
Mæs me a zeu en o flac evit creat ac souten,
guella ma c'hellin, oc'h ene, en ur inspira deoc'h
fizianç e madelez ac e misericord an autrou Doue.

Mar santit o nerz o timinui, arabat e gortos
ar moment diveza evit peurachui an ouvrach eus
o silvidiguez. Labourat a dleit da guemen-se q'e-
ment a ma ze possubl deoc'h ; beilla sancess var-

noe'h oc'h-unan a caout bepret o lamp alumet
evit mont da ziguemeret o pried divin er moment
ma teui da sq'ei var o tor. Q'emerit paciantet en
o souffrançou ; bezit persuadet mad penos ar poa-
niou a andurit, peguer violant bennac e vent, a so
necesser evit erruout er silvidiguez : pa zeo Jesus,
ar medin souveren eus ar c'horf ac eus an ene,
eo o fresant deoc'h evel ur remed a gonven-
ouzoc'h, en em abandonit antieramant etre e
zaouarn. Livirit dezan ezoc'h disposet da bep tra
a da efa ar c'halivr en deus efet ar c'henta, pe-
guer c'huero bennac ec'h alfe beza.

Mar deu o sempladurez ac ar violanç eus o
poaniou d'o contraign da sonjal aviziou en izo-
mou o corf, antreñt prontamant enoc'h oc'h-unan
a na negligit morse ar sonch eus oc'h ene. Croas
Jesus-Christ a dle beza ar sujet ordinal eus o re-
flexionou, evit lacat da gresq'i enoc'h mui-oc'h-
vui ar garantez evit ar souffrançou. Considerit
Jesus var ar groas evel o squer ac o model, a
pedit-en da zouguen oc'h ini. Ar groas a dle
beza refuch an oll bec'herien. Er groas e cafer

trugarez a pardon, nerz er sempladurez, esperanç
a courach en droublen. Q'emerit alies o croas,
briatait o croas, poq'it d'o croas. Livirit gant
an Abostol sant Andre, a gant ar memes trans-
port a joa : *O croas sacr ! o croas santel ! gant
fizianç a gant joa e teuan davidoc'h ; va recevit
evel disq'ibl an ini en deveus saveteet ar bed oll
dreizoc'h ; va unissit gant va Salver pini, evit va
frena, a so deuet da vervel etre o tivrec'h ; etre o
tivrec'h eo e fell din ive mervel.* Evel-se bezet gret.

PEMPET EXHORTACION.

REFLEXIONOU DOUC EVIT CREAAT AN DEN CLAN A ENEP AR SPONT RAC AR MARO.

Ar spont ac an doujanç a so mad epad ar vuez,
mæs er maro eo dangerus, principalamant pa
vez re vras ; rac dont a er neuse da droubli ar
speret, da serra ar galon a da ampech ne rac un

den an actou a esperanç ac a garantez pere so
q'en necesser dezan en amser-se. Ouspen-se an
drouc-speret a ell en em servichout eus ar spont
ac an aon-se evit strinca un ene en disesper, o re-
presanti dirazi ar c'hrevusdet eus e fec'hejou ac
ar rigol a jujamanchou Doue. Evit diouall ouz un
danger q'er bras e ranq'er en em brepari d'ar
gombat diveza-se ac en em greaat dre ar reflexio-
nou a so ama varlerc'h.

Perac, va ene, oud-e q'en trist? Pebez sujet
a c'heus-te da gaout aon rac ar maro? A te a oar
peleac'h e zez na pe seurt plaç a so preparet evi-
dout? Mont a rez da finissa da vanissamant, a
da zistrei da pro guer, eleac'h ma en em brepar
Jesus-Christ a e Vam santel ac an oll Sent eus ar
barados da tiguemeret. Mont a rez da ur ban-
q'et-euret, eleac'h ma vezo contantet da oll de-
sirou, ac eleac'h ma vezo da galon o neün en ur
rivier a blijadur. Mont a rez da jouissa eus a
bresanç Doue a da gaout ar mad souveren p'evit
ini e zout crouet. Mont a rez da dremen eus an
amser d'an eternite, eus ar sq'eud d'ar virionez,

eus ar maro d'an imortalite , ac eus a ur stad miserabl da ur stad eürus. Mont a rez da antren e ty da Autrou , da ober da zemeuranc e bro ar re veo, da rên er pales a c'hloar a da neün en ur mor a gontantamant. Mont a rez da velet ar pezh bizcoaz na velas lagat, da glevet ar pezh bizcoaz na glevas scouarn , a da jouissa' eus ar pezh bizcoaz na goncevas calon den. Mont a rez da ur vrò eleac'h ma q'ifi q'ement a zesirez ; eleac'h na guifi netra eus ar pezh ma ec'h eus aon razan; eleac'h na vizi mui sujet d'an danger d'en em goll; eleac'h ma veli Doue ac e pezo peb-tra gantá.

Courach, va ene, quita ar vuez mortel-má ; sorti eus ar c'horf miserabl-má p'en ini out bet er prison q'eit amser. Perac ec'h eus-te aon ? Jesus-Christ a so maro evidout ; sati fiet en deveus evit da bec'hejou. Paët en deveus da oll dle. En em rentet eo cred a caution evidout dirac e Dad ; Prometet en deveus dit e varados nemet ec'h esperi ennàn. Nec'h eus q'et græt a vad, mæs Jesu en deveus græ evidout : nec'h eus anduret netra evintàn, mæs en en deveus anduret cals

evidout. Roët en deveus dit ar guir en deveus acq'isitet var rouantelez an eê dre e souffrançou : cedet en deus e oll meritou guenez. Roët en deus dit lot en heritach en deveus acq'isitet. Prometet en deus penos nep a recevo e gorf er gomunion , ne varvo q'et eternellamant. A nec'h eus-te en q'et recevet e viatic ? Pebez aon a c'heus'ta pa ec'h eus un erres q'er precius eus e bromessa ac eus e garantez ? Ma falfe dezàn da goll , ac en a vije maro evidout , ac en en divige da gonservette q'eit amser e buez , na gortoët ac'hanot gant q'ement a baciante ? Ac en en divije roët di-de an amser d'en em anaout a da c'houlèn pardon ountàn eus da bec'hejou ? Ac en a vije deut da renta bisit di-de dre ar gomunion, en da glênvê ; ac en a vije bet disq'ennet eus an eê abalamour di-de ? Ac en a vije bet antreet e ty-de ma na falfe q'et dezan da receo en e-ini ?

Ne ranq'er nemet ur goal desir evit cell ar barados, mæs ne ranq'er ive nemet un huanaden gant ur guir gontricion evit e c'hounit. Mar ec'h eus regræt e creis da galon, va ene paour, da

veza ofancet da Zoue , ne caço q'et da goll , ac e pardono dit an oll ofançou ac'h eus græt dezàn ; ur guir binigen a vez recevet mad gantàn da bep poënt. N'en em gonvertissomp jamæs re zivezat pa er greomp sinceramant ; *Doze ne zisprieh jamæs ur galon glac'haret ac humiliet gant q'euz d'e veza ofancet.* Deomp eta , va ene , marvomp gant Jesus. Cheda-èn oc'h da c'hervel ac oc'h asten e zivrec'h dit. Cheda-èn oc'h ar groas o pidi c'hoaz evidot ac oc'h da recomandi d'e Dad. Cheda-èn o c'houlén pardon evit qement en deveus-èn leq'eet d'ar maro ; a te na dout q'et eus an nombr-se ? Sell penos ec'h isela e ben ous ar groas ; an-de q'et évit rei di-de ar poq a beoc'h eo ? Sell penos ec'h asten e zivrec'h ; an de q'et evit da vriata eo ? Cheda digor e galon evit rei dit antre enni : squillet en deveus e oll c'hoad evit da brena ac evit da savetei. A ne fell q'et di-de rei dezàn ur merq bennac eus da garantez ac eus da anaodeguez-vad en e andret ? Ne oules q'et rei dezàn sancipoc'h merq eguet o vervel evitan. Marvomp eta ; contant oun pa fell

da Zoue. Marvomp evit renta gloar da Jesus-Christ. Marvomp en anaodeguez eus e c'hraçou ac eus e zonesonou , ac evit satisfia d'e justie. Marvomp evitan pa e maro evidomp ; marvomp evit mont d'e velet , pa na aller q'et e velet anes mervel q'enta. Astomp mervel , mæs na squizomp q'et o souffr. N'on eus mui nemet ur moment da souffr , ac or bezo goude-se un eternite d'en em rejouissa. O maro , en so douç ar songeson ac'h anot-te d'an nep a guel ar vuez-ma c'huero ! O pebez plijadur o vervel d'an nep n'en deveus q'et a blijadur o veva.

C'HUEC'HVET EXHORTACION.

VAR AR SACRAMANT AN NOUEN.

Ne deus nemeur a gristenien a guement o defe ar guir devocion e q'ever an diveza-ma eus or sacramanchou , pini eo sacramant an nouen : mui en douger eguet n'er c'harrer , a divezata m'a c'hal-

ler en receiver, oc'h en em bursuadi faussamant penos er anq'er mervel ractal goude e veza recevet; ar pezh a ra ma er c'honsiderer evel ur garrec ous pini e vez torret al lestr eus ar vuez. Me lavar en em bersuader a guemen-se faussamant; rac an Ilis a zesq deomp en deveus ar sacramant-mâ tri effet particulier ouzpen an effet eus ar c'hraç santifiant pini a so comun d'an oll sacramanchou-all. Ar c'henta effet eo creaat speret un dên clàn a enep ar spont rac ar maro, enep tentacionou an zereouant, enep ar poaniou eus ar c'hlenvet ac a enep ar chagrin ac an digourajamant eus an natur. An eil eo netaat an den diouz ar restadou eus e bec'het a diouz e bec'hejou memes, mar be chomet unan bennâc da effaci. An trede eo renta ar yec'het d'an den clàn mar be ar guella evit e silvidiguez.

Hoguen ne deus nemeur a dud clàn a guement a receffe ar sacramant-mâ gant an devocion a ve req'is; q'en abalamour n'er goulennont q'et evel ma er gourc'hemen sant Jacques, q'en abalamour ma vancont a feiz pini so necesser evit

santout an effet eus ar sacramant-mâ; q'en abalamour na ententont q'et ar pezh a lavar ar belec dezo a n'en recevont nemet en extremite diveza, pa vez collet peb esperanç da barea a pa n'o devez anaoudeguez ebet mui. Evit remedia ous an disurs ac an inconvenient-mâ ac evit profita eus ar sicour a dleer da gaout diouz sacramant an nouën, e seblant dîn penos ne deus netra guell eguet ma zeo e receo alies spirituallamant epad ar vuez, o produi alies an actou pere ne vior q'et marteze e stad da brodui en extremite diveza-se. Chetu amâ-ta pe feçon ec'h aller pratica an devocion-se.

En em imaginat penos e zoc'h clàn, ac e zeer da rei deoc'h o nouën; en em zisposit eta da receo ar sacramant-se a grit ar pezh na ellot q'et marteze da ober en o clenvet diveza. En em bersuadit, ene christen, e zit da receo an nouën, ac e lavar ar belec, oc'h antren en o cambr, ar pezh a ordren an Ilis da lavaret en occasion-se : *Pax huic domui et omnibus habitantibus in ea*. Ra vezo ar peoc'h en ty-mâ ac e touez q'ement a

ehom ebars. Grit a amser da amser reflexion var ar pez so ama varlerc'h, evit, pa recefot realamant ar sacramant an nouën, en o clênvê, ma raïo gemen-se mui a impression varnore'h.

En istant ma santer an dên clân e danger ar maro, an nep so oc'h e assista a dle en exhorti da c'houlén ar sacramant an nouën a d'e receo q'enta ma vezo possubl, en aon da veza surprenet gant ar maro a privet eus ar sicourou divesa-se a ell an Ilis da accordi d'e bugale, pe d'o receo ep anaoudeguez, a parconsecant gant nebeutoc'h a frouez. En exita a dleer d'en em unissa a speret ac a galon da bedennou an Ilis en dra ma o recito ar belec evitân; da recita, da viana a galon, assambles gant an assistantet, ar *Gonfiteor*, gant ar vrassa humilite ac ar vrassa glac'har a vezo possubl; da c'houlén humblamant pardon eus a oll bec'hejou e vuez tremenet, a principalamant eus ar re a alfe da veza cometet dre an usach fall en defe grât eus ar membr var beini e vezo frotet an oleo-sacr.

Pa dosta neuse ar belec ouz an dên clân, o la-

varet, en ur frota an oleo-sacr ous pep-ini eus o vemprou pe sq'ianchou naturel, ar c'homsou-ma : *Per istam sanctam unctionem et suam piissimam misericordiam indulgeat tibi Dominus quidquid per... deliquisti.* Da lavaret eo : ra blijo gant an autrou Doue, dre an nouën santel-ma a dre e drugarez infinit, pardoni deoc'h an oll bec'hejou oc'h eus cometet dre.....

Pa froto ar belec an oleo sacr ouz e zaoulagat, an den clân a lavaro da viana a galon: O Tad eternal ! me o supli da veza trugarezus em andret, da sellet ouzin gant ul lagat a druez a da bardoni din an oll bec'hejou a meus cometet gant va daoulagat.

Pa frotet e c'hinou : O Tad eternal ! me o supli da bardoni din an oll bec'hejou am eus coumetet dre ar gourmandis, a dre al leoudouet, ar goal bedennou, an drouc-prezee, an injuriou, ar c'homsou disonest ac an discoursou væn ac inutil.

Pa douchet gant an oleo ous e zifron : O Tad eternal ! me o supli da bardoni din ar pec'hejou a meus cometet dre ar blijadur am eus bet o santout e'hueziou mad.

Pa froter e ziouscouarn : O Tad eternel ! va C'hrouër, me o supli da bardoni din ar pec'hejou am eus cometet o clevet goal discoursou, comsou milliguet, drouc-prezegueres a comsou disonest.

Pa froter an oleo-sacr ouz an daouarn, an den elàn a lavaro : O Tad eternel ! me o supli da bardoni din an oll bec'hejou am eus cometet o noasout d'am nessa dre accion ac oc'h ober gaou ontan, pe oc'h e sgei, pe oc'h ober gestou pe attouchamanchou fall dezan pe din va-unan, gant pere, siouaz, em eus souillet va c'horf a va ene. Amen.

Goude beza recevet an nouën, an den elàn a dle selaou gant attancion ar belec o recita peden-nou an Ilis evintan, a trugarecât an autrou Doue eus ar graçou en devezo recevet digantan ; graçou precius meurbet, pere couscoude a vez refuset da gals a gristenien malhurus, pere, goude beza en o yec'het, negliget o deveriou a religion ac abandonet ar sacramanchou, a vez, dre ur jujamant just a Zoue, privet eus ar sicourou diveza-se a ell an Ilis da accordi d'e bugale, ac a varv casi e guis anevalet.

Goude q'emen-se an den elàn ne dle mui en em occupi nemet eus a Zoue ac eus ar sourci da finissa mad e vuez ; dioc'h eno e tepant tout a ne deus q'en tra necesser. Ne dle mui douja adversourien e silvidiguez, pa zeo armet a fortifiet evit o c'hombatti a memes evit o zrec'hi. Ne dle mui desirout nemet gueleit a possedi e Zoue, a persuadet mad n'en deus q'et an oll burete necesser evit q'emen-se, e tlee suporti gant paciantet an incomodite eus e glenvet a beza disposet da receo a galon vad ar maro, pa blijo gant Doue en digae. Ama varlerc'h e cafor aspiracionou a santiman-chou touchant evit q'emen-se.

TREDE-SEURT PREPARACION DA OBER PA SANTER AR MARO DIJA TOST.

EVIT CONSOLI AN DEN CLAN ER GUEL EUS A GROAS AC A SOUFFRANÇOU JESUS-CHRIST.

Clasq'it, va breur (pe va c'hoar), clasq'it un nerz nevez dre ar vertuz eus a groas Jesus-Christ, ac unissit, a amser da amser, o souffrançou gant ar re en devez anduret evit o silvidiguez. Bezit attantif d'ar c'hentelliou a bariantet a ro deoc'h divar e groas evit ma raïnt impression var o speret a var o calon. « Considerit, a lavar deoc'h, a guelit ac en so o poaniou da veza comparachet gant va re-me. Pe seurt raport a so etre ar situation en pini e maoc'h ac an ini en peini en em gafen me var ar c'halvar. C'hui so gourvezet var ur guele boug, a me a voa astennet var ur groas calet; c'hui a so en ur gambr clos, a me a voa

exposet d'an oll rigol eus ar rusta amser: c'hui ne souffrit nemet ur boanic bennac, a me a voa livret d'an oll dourmanchou ar re gruella; o corf ne de q'et dispennet a bezziou evel va ini-me; c'hui oc'h eus mignonet evit o consoli a q'emeret perz en o souffrançou, a den ne gonsole ac'hanon-me; c'hui a dreter gant douçder, a me a dretet ep truez na compassion; c'hui ne glevit nemet huanadou o q'erent ac o mignonet a me ne gleven nemet malediccionou a blasfemou. Goude q'emmen-se ac en em glem a reot-u m'ar gran deoc'h efa lod eus va c'halivr? Penos ec'h alfac'h-u caout perz em gloar, ma no pe q'et bet a berz em souffrançou? Accordet em eus deoc'h ar remission eus an dleou bras o poa contractet vis-a-vis d'amjustiç; ac ec'h ofran deoc'h tensoriou imanç em rouantelez. A re a c'houlan-me ouzoc'h abalamour ma ran deoc'h douguen ul lodennic scàn eus va c'hroas, a pa en em gontantàn eus un nebeudic souffrançou, pere a dremen q'er buan, eleac'h poaniou an ifern pere o poa meritet dre o pec'hjou? » Chetu penos e parlant Jesus divar e groas,

oc'h o calon, evit e zouch ac o c'hexita d'ar ba-
ciantet.

Anavezit eta brema eo dre un effet pur eus e
garantez eo e fell da Jesus e varfac'h e creis ar
souffrançou evit o purifia mui oc'h vui ac o tispas
da ur maro christen : e c'hraç o souteno dre ma
cresco o poaniou. Livirit eta dezàn gant ur speret
a soumission ac a anaoudeguez vad :

Ia, va Salver divin, goude beza q'ement abu-
set eus o misericord, ne veritàn q'et o consola-
cionou ; re vras int evit ur pec'her eveldon. Dister
e cavan va oll souffrançou pa o c'homparachan
gant ar re oc'h eus anduret evidon. Mar em eus
leac'h ebet d'en em glem, eo dre ma tretim ac'hanon
gant re a zouçder. Petra a souffran-me e q'ever ar
pez oc'h eus gret evidon, e q'ever ar pec'hejou
oc'h eus pardonet din ac e q'ever ar c'hloar a
zestinit din en o barados ! Pebez enor evidon-me
douguen var va c'horf ur merq bennac eus o souf-
françou ! Va Jesus, cresq'it va foaniou mar deo
necesser evit va silvidiguez. Pareit va ene en ur
chatia va c'horf ; contant oun da vervel var ar

groas eveldoc'h evit gallout o possedi eternella-
mant en o parados. O polontez bezet græt.

**DISCOURS LEUN A DENERIDIGUEZ GANT
JESUS-CHRIST CRUCIFIET, PINI A ELL
UR C'HRISTEN DA OBER PA EN EM
VEL TOST D'AR MARO.**

*An den clàn, o q'emeret avichouigou e grucif,
a lavaro evellen :*

Chetu amà ar c'hoat sacr eus ar groas pe eus
ini eo bet staguet silvidiguez ar bed. Courach, va
ene, adoromp ar groas-mà, briataomp-i, ac unis-
somp or maro gant ini Jesus o vervel evidomp.

Me oc'h ador, va Jesus, a greis va c'halon,
abalamour ma oc'h eus prenet ar bed gant o croas
santel. Va Salver divin, pini oc'h eus souffret
q'ement evidon, bezit trugarezus en andret ar
pec'her paour-mà, pini a zeu d'en em suplia ou-
zoc'h gant humilite a gant fizianç.

Tad eternal, va Doue, taulit o taoulagat var o

map Jesus staguet ous ar groas-mâ evit beza
 obeissant deoc'h bet'er maro ; na zistroit q'et o
 taoulagat divar ar gouliou en devezs recevet aba-
 lamour deomp. Poësit er valañ eus ar groas-mâ
 ar pec'hejou a meus coumetet, ac ar poaniou en
 devezs anduret o Map q'er, ep beza meritet, ac e
 vellot erfat, va Doue, penos e tremenont infini-
 mant ar puez eus va fec'hejou. Obligit eta o
 justic d'en em baëa gant ar pris infinit-mâ ; evit
 na bourchuo q'et ar venjañ pini a c'houlén em
 enep. Sellit penos eo staguet ouz ar groas-mâ, a
 selaouit ar beden-mâ, pini a ra ouzoc'h evidon ac
 evit an oll bec'herien : Va zad, emezàn, par-
 donit-i, rac ne ouzont q'et petra reont. Evidon-me
 e particulier, va Doue, eo en devezs o pedet o
 Map q'er er feçon-mâ ; rac-se ta va fardonit evel
 ma er goulén ouzoc'h, ac evel ma pardonan va-
 unan a galon-vad evit oboissa dezàn, da gue-
 ment o devezs va disobliget.

Considerit, o va ene, petra dalit a petra dleit ;
 talvout a rit buez un Doue, ac e tleit o puez d'ar
 memes Doue, pini en devezs roët e vuez e-unan

evidoc'h. A ne d'oc'h-u q'et contant eta da ver-
 vel evintàn evel ma eff-en maro evidoc'h ? Sellit
 ar gouliou eus e gorf, pini so bet dispennet gant
 ar fouetou. Sellit e c'hoad o redeç a hep-tu dioun-
 tàn. Pebez testeni a c'houlennit-u brassoc'h eus
 e garantez ; e zivrec'h a so astennet evit o priata ;
 e galon a so digor evit o receo enni ; e gorf a so
 freset evit ober deoc'h caout truez a compassion
 oontan.

Permetit eta, va Redemptor divin, ma tostain
 va guinou da boq'et d'o couliou adorabl, ma vria-
 taïn o treïd, a ma en em guzin en o costez sacr :
 c'hui eo va Doue a va Salver, gant fiziañ en em
 roan deoc'h, a n'em bezo aon rac netra, aba-
 lamour ma zeo Jesus eo va nerz a ma zeo en em
 rentet va silvidiguez. Va list da boq'et humbla-
 mant d'an treïd-se pere o devezs q'erzet q'ement
 evidon epad o puez ; va Salver, c'hui so bet squis
 a fatig oc'h va c'hlasq ac a so bet en em livret da
 veza staguet ouz ar groas evit va frena ; na ber-
 metit q'et e ve inutil evidon, q'emen-se a boan
 oc'h eus q'emeret nac e chomen ep tenna profit

ebet a guemén-se. O pezet agreabl, va Jesus, ma poq'in d'an daouarn-se pere o deveus græt q'ement a vad, ac ameus q'ement a obligacion dezo ; a ma liq'in va ene etre o taouarn sacr evit ma e c'hon-servint a ma e difennint a enep va adversourien. *In manus tuas, Domine, commendo spiritum meum.*

O calon va Jesus ! din dreist peb-tra da veza caret, c'hui vezo al leac'h eus va repos, enoc'h-u erin va demeuranç a ne sortiin jamæs ac'hanoc'h. Ennez eo ar plac guella oll, pini ne allo den la-met digueneen. Calon sacr eus va Jesus, me oc'h ador ac o trugareca eus ar pez oc'h eus anduret evidon. Detesti a ran va oll bec'hejou pere so caus d'o souffrançou, ac e c'houlennan ouzoc'h ma plijo gueneoc'h va c'hreaat a enep ar spont rac ar maro ac a enep an attacou eus an ærevent. Ia, me a fell din rei deoc'h buez evit buez, calon evit calon, carantez evit carantez.

Ene va Jesus, va santifiit ; corfr va Jesus, va saveteit dre o souffrançou ; goad va Jesus va furifiit ; gouliau va Jesus, yac'haît ar gouliau eus

va ene. O ! va Jesus leun a vadelez, va c'huzit, me o ped, er gouliau eus o calon sacr. Na ber-metit jamæs e ven dispartiet diouzoc'h ; va difen-nit er savegard, er refuch-se a enep va oll ad-versourien, a va c'hunduit, dre o trugarez infinit, betec an eürusdet eternal. *Amen.*

EVIT CONSOLI AN DEN CLAN DRE AN ESPERANÇ EUS UN EURUDET ETERNAL.

Santout aouale'h a rit oc'h-unan, va breur (pe va c'hoar), o nerz o semplaat, ar maro o tostaat ; songit eta a zevri d'en em brepari da vont da rancontr Jesus-Christ, pini a dle dont da vidoc'h evit o tenna eus a viseriou ar vuez-mâ ac o placi en e bales celestiel, demeuranç ar re eürus. Mæs evel na ousoc'h q'et ar moment pini a dle echui e pelerinach var an douar, gortosit-en ep en em droubli. Na squizit q'et o souten ar pouez eus o souffrançou. Mar tleont padout c'hoaz un deve-ziou bennac ebq'en, ar pouez eus o joausdet ac

eus o consolacionou a vezo eternal ; laq'uit oc'h oll esperanç e Doue ac e meritou Jesus-Christ. O col ur vuez pini a dle necesseramant finissa , e zit da antren en un all pini ne finisso biq'en. En esperanç-se e tleït beza courachus a ferm , en ur sellet oc'h an eê pini e o pro. Chétu ar pezh a lavare e vam da Sant Symphorien er moment ma conduet ar merser santel-se d'ar maro. Va map , va map , a grie e vam gourachus , songit e Doue , savit o calon oc'h an eac'h , sellit oc'h an eê ; ar vuez e zit da guitât hirio ne de q'et collet , mæs eb q'en chenchet e vezo en un all infinimant guell.

Me lavar deoc'h ive , va breur (pe va c'hoar) , gant ar pap Sant Gregor , penos ma considerfac'h peguer caër , peguer precius eo an eürusdet a breparer deoc'h en eê , e c'fac'h dister , vill memes , q'ement so var an douar. En effet , petra a ell ar maro da lamet digueneoc'h ? Madou temporel , plijaduriou faus a tromp'us pere ne allint jamæs contanti o calon , evit o lacaat e possession eus un eürusdet veritabl a parfet pini o contanto parfetamant ; un eürusdet pini ne vezo jamæs trou-

blet na diminuet , na ne allot biq'en james da goll ; anfin un eürusdet pini eo Doue memes. A q'en ar ranfet , va breur , (pe va c'hoar) , evit o souten ac o consoli er stad trist en pini en em gafit ? Ne viot eürus q'en a viot er barados ; ar maro eo a zigoro deoc'h an or da antren ennàn. Livirit etagant ur fizianç santel , evel ar roue David : O va Doue ! antren a rin en o ty santel ; oc'h adori a rin en templ eus o cloar ; meuli a rin eternellamant oc'h hano ac o misericord infinit ; enoc'h e lacàn va oll fizianç a ne vizin q'et confontet.

AR VOLONTEZ DIVEZA

EUS A UR C'HRISTEN O VONT DA VERVEL

Evel ma c'houzon ervat ne allan q'et achap ar maro , a na ouñ q'et pe da heur e varvin , ma pini a zoug an ano a Ian , pe Jannet , etc. , a zisclery brema , pa emeus va santimant libr , penos q' felt din mervel buguel d'or mam santel an Ilis catholice , apostolic a romen , emeus a beini ne deus

q'et a sividiguez. Me a gred eta q'ement a gred an Ilis ; ac a so prest da vervel evit souten a difen ar guiryoneziou so amâ varlec'h ; da c'houzout eo, penos ne deus nemet un Doue e tri ferson, an Tad, ar Map, ac ar Speret-Santel ; penos en deveus crouët an eê ac an douar, ac en deveus roët din ar pez ma zoun evit e anaout, e garet ac e servicha. Me a gred penos Jesus-Christ e Vap-unic on Autrou, a so en em c'hræt den e corf ar Verc'hes gloriüs Vari e vam ; e ze bet deuet er bed-màn evit or scleraat gant e zoctrin, evit on instrui gant e exemplou, evit or prena dre e varo, evit or santifia dre e c'hraç, ac evit on renta eürus eternellamant dre e c'hloar. Me a gred eo bed resussitet d'an trede deiz goude varo ; penos eo pignet en eê, ac eo asezet an tu-deou da Zoue e Dad, a penos eo dirac e dribunal e zàn d'en em aparissa evit renta count dezàn eus va oll bucz.

Anaout ac ansao a ràn penos em eus obligationou infinit d'am Doue evit q'ement vad en deveus grêt evidon, ac evit q'ement droug en deveus distroët divarnon. Me en ador ac en truga-

reca eus a greis va c'halon, ac evel n'a meus nemet ur vuez miserabl, pini am eus casi oll impliget d'en offanci, e tisclerian penos em eus joa oc'h e c'holl evit anaout an dominacion ac an autorite en deus varnon, evit renta homach d'e vajeite infinit, evit satisfia d'e justic, pini am eus offancet dre un infinite a bec'hejou ; evit obeissa d'e arret pini am c'hondaon d'ar maro ; evit jouissa en eê eus e bresañ divin ; evit imita e Vap-unic, or Salver benniguet, pini en deveus e-unan gouzanvet ar maro evidon, ac evit rei dezàn ur merq eus va c'harantez ac eus va anaoudeguezvad en e andret.

O va Doue ! va Autrou souveren, majeste infinimant adorabl, chetu me amâ prosternet dirazoc'h gant an oll humilite a so possubl din : ansao a ran em eus bet faut oc'h o peza offancet, ac em eus meritet ar maro ac an ifern memes ; mæs peguen indin bennac oun eus o trugarez, abalamour d'an niver a d'ar c'hrevusdet eus va fec'hejou, e c'hesperàn cousgoude digant o madelez, va Doue, penos em pardonnot ac em saveteot e

consideracion an dañlou ac ar goad precius en deveus squillet o Map qer, va Salver, evidon. Me a gred fermamant eo bet maro evit silvidiguez an oll dud, ac e particulier evit va silvidiguez-me; a var ar virionez fondamantal-se eus va religion eo e ze fontet an oll esperanç ameus da veza salvet.

N'em eus q'et aon rac ar maro, va Doue, mæs aon ameus rac ar pezh a erru varlec'h ar maro; aon ameus rac an eternite a so stag outhi; aon ameus rac an eternite pini a zepand dious va maro; aon ameus rac ar fortun eürus pe valeürus pini a bado bepret, ac a zepand dious ar moment diveza-se eus va buez, pini ne anavezàn q'et a ne allan q'et da achap, a pini a rañ din antren en eternite-se; aon ameus rac an deiz diveza pini vezo an diveza eus va oll deveziou ac ar c'henta eus a tñ eürusdet, pe autramant, eus a ur maleur pini ne finisso jamæs.

O va Salver benniguet ! c'hui pini so disq'ennet eus an eé var an douar evit clasq ar bec'herien, chetu me amâ, unan eus ar re vrassa, o vont da barissa dirac o tribunal. Contant oun da veza

barnet gueneoc'h, nemet e leq'eot o croas etre c'hui a me. Sellit ouz ar gouliou oc'h eus recevet evit va silvidiguez a guelit petra oun coustet deoc'h : clasq'it en o calon sacr, ac e q'effot eno peadra da bæa ar boan dleet d'am pec'hejou : poësit va ene er valanç eus o croas a considerit ar c'holl pini a rafac'h o tont d'e c'hondaoni d'an ifern. O va Jesus douç a mad ! o pezet memor penos eo evit va c'hlasq-me, oc'h eus grêt q'ement a veachou; penos eo evit renta din-me ar vuez, oc'h eus souffret ur maro q'er cruel, a penos evit va renta-me eürus eo e zoc'h en em rentet ar miserapla eus an oll dud. O va Redemptor ! na gollit q'et un ene pini so coustet deoc'h q'ement a c'hoad ac a zaelou !

Me a meus regret ar brassa so possubl din d'o peza offanset, ac e testeni eus va glac'har ec'h acceptàn ar maro gant an oll incomoditeou eus va c'hlenvet. Me a fell din e ve consumet va c'horf gant ar boan abarz mervel, a debret gant ar prènvèt goude mervel, ar c'horf miserabl-ma pini so bet souillet gant q'ement a blijadureziou

criminel. Me a laca va ene etre o taouarn , o va Doue ! ac evit an niver bras a bec'hejou e deveus oometet , e consantàn , mar en ordrenit evel-se , e zaë d'ar purcator , ac e chome eno q'en am bezo satisfiet d'o justie divin.

Disavoui a detesti a ràn q'ement a ouffe ar sempladurez eus an natur , pe ar violanç eus ar boan , pe an nerz eus an dentacion , pe ar valiç eus an droug-speret da ober din lavaret , sonjal , desirout pe chom ep desirout a enep an obeissanç ac ar fidelite pini a dleàn deoc'h. Renonç a ràn d'an oll suggestcionou eus va adversour an ærouant , ac e protestàn penos e fell din mervel gant ur soumission barfet ac ur resignacion antier d'oc'h oll volontez em andret. Amen.

PEDEN DA'R VERC'HES.

O Guerc'hes sacr a santel ! mam din da Zoue , me o choaz hiryo evit va mam , va mestres a va alvocades dirac Doue , ac a laca an affer eus va silvidiguez etre o taouarn. Me a ziscleri penos e fell din mervel servicher (pe servicheres) deoc'h,

ac evel unan eus o pugale , a penos e lacàn va esperanç enoc'h goude o map q'er va Salver biniguet. O mam va Redemptor ! disquezit , me o supli , e zoc'h ive va mam , a pedit evidon an ini en deveus turvezet beza ganet ac'hanoc'h. Santes Mari , mam da Zoue , pedit evidon-me , pec'her (pe pec'heres) paour , bremàn ac en heur va maro. Amen.

PEDEN DA SAINT JOSEPH.

Autrou sant Joseph , pried din d'ar verc'hes Vari , tad maguer a protectour da Jesus-Christ va Salver , pliget gueneoc'h assista var va zremenvan a procuri din ar c'hraç da vervel , ec'his deoc'h , etre daouarn Jesus a Mari. Amen.

PEDEN D'AN ÆLEZ EURUS A D'AR SENT.

Æles Doue , sperejou celestiel , c'hui pere oc'h eus q'emeret q'ement a sourcei ac'hanon epad va buez , n'am abandonit q'et em maro. Me a bed an arc'hel glorius sant Mikeal d'am difen em diweza combat a enep va adversourien an ærevent.

Me a bed va Eal gardien d'am c'honsoli em poan ac em melconi o vont eus ar bed-mâ. Me a bed an oll sent, a particulieramant ar re m'a emeus an enor da zouguen o hano, ac ar re ma zoun custum d'en em adressi dezo, d'am assista dre o intercession dirac va Doue, a da brocure din ur maro mad. Amen.

Me a ro va ene da Zoue, pe digant ini emeus e recevet; e renta a ràn etre e zaouarn ac e abandonan antieramant d'e drugarez evit an amser ac'evit an eternite.

Me a ro ya c'horf d'an Ilis santel, ac e suplian d'e receo, a d'e enterri gant ar re pere a varv en e c'homunion, peguement bennâc ma veritfe ar c'horf mechant-mâ, beza privet eus a gompagnunez ar re fidel, abalamour d'ar pec'hejou bras en devezs coumetet.

Pardoni a ràn da guement ini en devezs va of-fancet, ac e pédân q'ement ameus of-fancet va-unan, d'am pardoni, evit ma teui Doue d'or pardoni oll a da veza trugarezus en on andret. Evellen bezet græt.

ASPIRACIONOU DEVOT A TOUCHANT
PERE A ALLOR DA RECITA, POSET AC
A NEBEUDOUIGO, DIRAC AR C'HLAN-
VOUR EN E AGONI, Q'ET A MA EN
DEVEZO C'HOAZ UN NEBEUT A ANAOU-
DEGUEZ.

En ur deureul o taoulagat var groas o Salver, pedit-en, va breur (pe va c'hoar), da garga o calon a garantez evit ar souffrançou. En ur boq'et d'o croas gant affeccion, disquezit da Jesus an desir oc'h eus da soufr dioc'h e exempl. Livirit d'ar groas précieux-se :

O instrumant a souffrançou va Redemptor divin ! va c'halon a huanat etresec enoc'h, pa zeo pliget gant va Salver carantezus soufr a mervel etre o tivrec'h.

O va Jesus ! ra vizin da james crucifet gue-neoc'h ; ofr a ran deoc'h, evit satisfia d'o justic, q'ement oc'h eus anduret evit va silvidiguez,

epad o puez mortel, er c'hraou a Vethlem, er jardin Olivet, er guer a Jerusalem a var menez Calvar.

Va oll esperanç a so en o meritou, en o tourmanchou ae er maro oc'h eus anduret evit va savetei. O couliou a so va refuch a va souten. Ganto ec'h unissan va oll souffrançou evit ma c'hallint contribui da effaci va fec'hejou a d'ar renta din eus o trugarez.

Va Doue, sesisset oun a spont pa sonjan er maro; contant gouscoude da vervel pa blijjo gueneoc'h, receo a ran a galon vad ar c'halivr a souffrançou a bresantit din, evit merca deoc'h va c'harantez a va soumission. Soutenit, creait ac'hanon, va Doue, evit ma c'halló va maro, en despet d'an horrol eus an natur, va c'hondui d'ar repos eternal.

Va Salver divin, deut mar plich gueneoc'h, deut d'am sicour. En o madelez infinit e lacân va oll fizianç; bezit favorabl em andret, brema a pa rentin an huanat diveza eus va buez, dious pini e tepant va silvidiguez. Pourveet oc'h eus d'am oll

izomou epad va buez evel un tad mad; na refusit q'et din o proteccion oll galloudec er moment eus va maro. Question eo da veza eternellamant gueneoc'h en o parados, pe da veza eternellamant gant an diaoulou en ifern. Recevit, va Jesus, an daëlou a red eus va daoulagat, pa sortiont eus eus ur galon desolet d'o peza ofancet.

Va Doue, anflamit va c'halon dre an t'an eus e carantez divin, evit, da viana, mar em eus bet ar maleur da chom bete vrema eb o caret q'ement a ma tlien en ober dre va attach oc'h ar bed, ma comancin d'o caret q'ement a ma ze possubl din brema pa dosta ar maro.

Enoc'h ec'h esperân, va Doue, peguement bennac ma en em anavezan indin eus o misericord. Souffrançou a goad Jesus-Christ a so ar pris eus va silvidiguez. Va buez a va maro a so etre o taouarn. Disposit ac'hanon ervez ma plijo gueneoc'h.

Soutenit, va Zad q'er! soutenit va esperanç. Na bermetit q'et e ven tromplet o lacât enoc'h va fizianç. Anaout a ran va indignite; mæs, va

Doue , mar doun pec'her , c'hui a so mad , ac ar vadelez memes ; mar doun miserabl , c'hui so trugarezus , ac an drugarez memes ; chetu perac en em dolan etre o tivrech , evit o suplia da gaout truez ouzin a da ober trugarez em andret.

Deoc'h en em adressan , Guere'hes santel ; c'hui eo refuch ar bec'herien , consolacion an dud affliget. Pliget gueneoc'h va assista er stad trist en pini en em gafan ; recevit va ene en istant ma sortio eus va c'horf , evit e fresanti d'o Map q'er. Q'ement a bresantot dezan a vezo recevet mad gantàn a barnet en e drugarez a non pas ervez ar rigol eus e justic. Ar c'hraç-se a c'houlennàn digueneoc'h , va Mam douç a mad ; n'am refusit-q'et , me o supli.

A c'hui , va Æl mad , pini oc'h eus va freservet bete vrema dioc'h qellies a zanger , n'am abandonit q'et em brassa izom. Scerrait va speret , diouallit va c'halon a continuït bepret da gaout sourci ac'hanon.

Sperejou celestiel , oll Sent gloriüs pere a rên brema er c'hloar , deut , me o ped , deut d'am as-

sista var va zremenvan , a da breservi va ene da guez'a er rouejou a alfe an diaoul da stigma din er moment diveza eus va buez.

O Doue a visericord ! distaguit va c'halon dioc'h q'ement so var an douar , evit na huanado muy nemet e treusec enoc'h. C'hui a zalc'h leac'h dizi a bep tra. C'hui so va Doue , bezit va fartach evit an eternite.

Chetu , o va Jesus ! ar moment ma zan da lavaret un adieu eternal d'ar bed evit mont da goimparissa dirazoc'h. Pardonit ac'hanon , va Redemtor divin , a recevit va ene pini oc'h eus prenet dre'r pris eus o coad adorabl. E lacât a ran etre o taouarn ; na bermetit q'et e ve collet evidon q'ement oc'h eus græt a souffret evit va savetei.

Hastit , va Jesus , hastit d'am difen enep adversourien va silvidiguez. Santout a ran an horrol eus ar maro ; en douja ac en desirout a ran. Crena a ran pa er santan o tostât , abalamour da egaramanchou va buez. Mæs en desirout a ran ivez evit n'oc'h offancin mui. Va oll fizianç a lacàn en o misericord pini so infinimant an tu-all d'am

malic. Va c'halon a huanât e tresec enoc'h , a va ene a so en un impaciantet santel d'o possedi.

Deut , va Salver carantezus , c'hui pini so va Doue a va misericord, deut d'am zenna davidoc'h, sourceen unie eus va eurusdet ! Chetu me amâ disposet da vont d'oc'h-eul, o veza prest da renta ep dale an huanad diveza. Va zennit davidoc'h vit ma vevin eternellamant gueneoc'h. Evel-se bezet græt.

BENEDICCION A DLE REI D'E VUGALE UN TAD E GUELE AR MARO.

Suplia a ran an Autrou Doue , va bugaligou guer , da scuilla varnoc'h e venediccion santel. Me a ro deoc'h ivez va ini gant ar vrassa tene-rediguez. Carit Doue eus a greis o calon , a bezit fidel d'e servicha. Bevit en un union ac en ur garantez parfet ep e ve james entrezoc'h an dis-terra dissancion ; diouallit dioc'h ar goal gompagnuneziou q'en dangerus evit ar yaouancq'is.

Tec'hit dioc'h ar pec'het evel dioc'h brassa droue a alfe erruout gueneoc'h. Carit ar vertuz a na scuizit james d'e fratica. Pedi a ran an Autrou Doue da scuilla varnoc'h e c'hraçou en abundanç. Mar d'oun eürus aoualc'h da opten ar pardoun eus va fec'hejou , pa barissin dirac e dribunal terrubl , me a implore e drugarez en o faveur. N'em bezo mui va daoulagat digor var o comportamant , mæs songit mad penos Doue a veill varnoc'h ac a ra attancion d'oc'h oll accionou. Mar oc'h eus , va bugaligou , un denerediguez bennac evit o tad o vervel , pini en d'eus bet epad e vuez q'ement a garantez evidoc'h , accordit dezàn ar sicour eus o pedennou fervant. Ne c'houlennan digueneoc'h q'en desteni eus o carantez ac oc'h anaoudeguez vad evit q'ement attach am eus bet evidoc'h. Adieu , va bugaligou , o lesel a ran didan proteccion Doue , pini a zalc'ho deoc'h leac'h a dad var an douar evel ma zec o Tad ebarz en ec , a pini n'oc'h abandonno q'et q'eit a ma viot fidel dezan. O pezet respet evit o mam. Profitit eus e avisou mad ac eus an exemplou a vertuz a

ro deoc'h. Na gresq'it q'et ar c'hlac'har a sant
oc'h va c'holl, dre an desolacion e defe ma n'o
quelfe q'et tud honest a christenien vad. Q'ina-
vezo er barados.



PEDENNOU AN ILIS

EVIT AR RE A VE EN O FASSION.

AUTROU-DOUE, ho pêt	Autrou-Doüe, ho pêt
truez ouzomp.	truez ouzomp.
Jesus-Christ, ho pêt	Santes Mari, pedit evin-
truez ouzomp.	tân (pe evithi).

*Mar deo evit ur vaouez e lavarer al Lilaniou-mân,
eleac'h pedit evintâ, e ve lavaret pedit evithi, ha mar
livirit evidoc'h hoc'h-unan, e leverrot: pedit evidon.*

Oll Atez hac Arc'helez	Prophetet santel,	
santel, pedit evintâ	Sant Per,	
(pe evithi.)	Sant Paul,	
Sant Abel,	Sant Andre,	
Oll Assamble ar re	Sant Ian Evangelist,	
Just,	Oll Ebestel hac Evan-	
Sant Abraham,	gelistet santel,	
Sant Yan-Vadezour,	Oll Disquybien santel	
OH Batriarchet ha	hon Autrou,	

pedit, etc.

Oll Innoçantet santel,
 Sant Stephan ,
 Sant Lauranç ,
 Oll Merzeryen santel,
 Sant Gelvestr ,
 Sant Gregor ,
 Sant Augustin ,
 Oll Pontifet ha Confessor
 fessoret santel ,
 Sant Beneat ,
 Sant Frances ,
 Oll Menec'h hac Ermitet
 santel ,
 Santes Mari Madalen ,
 Santes Lucia ,
 Oll Guerc'heset hac
 Intàn vezet santel ,
 Oll Sant ha Sante-
 set Doue , intercedit
 evintà (pe evithi.)
 Bezit trugarezus en e an-
 dret ha pardounit-èn ,

(pe, pardounit-hi,) va
 Autrou.
 Bezit trugarezus en e
 andret, ha dilivrit-èn,
 (pe dilivrit-hi,) va
 Autrou.
 Bezit trugarezus en e an-
 dret, ha dilivrit-èn, etc.
 Diouz ho coler, dilivrit-
 èn, va Doue.
 Diouz piril ar maro,
 Diouz ur goal varo,
 Diouz poanyou an
 ifern ,
 Diouz peb drouc ,
 Diouz puissanç an
 diaoul ,
 Dre ho Q'inivelez ,
 Dre ho Croas hac ho
 Passion ,
 Dre ho Maro hac oc'h
 Enterramant ,

pedit, etc.

dilivrit-èn, va Doue.

Dre ho Resurreccion
 glorius ,
 Dre oc'h Ascansion
 admirabl ,
 Dre ar c'hraç eus ar
 Speret-Santel leun
 a gonsolacion ,
 En deiz eus ar Varn , di-
 livrit-èn , va Autrou.
 Entrezomp pec'herien ni

ho ped, clevit ouzomp.
Evit ma er pardounot,
ni ho bed, clevit ou-
zomp.
Autrou-Doue, ho pét
truez ouzomp.
Jesus-Christ, ho pét
truez ouzomp.
Autrou-Doue, ho pét
truez ouzomp.

COUFI D'AN ENE

DA SORTIAL EUS E C'HORF.

Sortiit eus ar bed-mâ, ene christen, en hano
 Doue an Tad oll-c'halloudec, pini en deveus o
 crouet : en hano Jesus-Christ map Doue beo, pini
 en deveus souffret evit o prena : en hano ar Spe-
 ret-Santel, pini so disq'ennet enoc'h ; en hano an
 Alez ac an Arc'halez ; en hano an Tronou ac an
 Dominacionou ; en hano ar Brincipuntet ac ar

Puissançon ; en hano ar Cherubinet ac ar Serafinet ; en hano ar Batriarchet ac ar Brofedet ; en hano an Ebestel ac an Evangelistet ; en hano ar Verseryen ac ar Gouffessoret santel ; en hano ar Religiuset ac an Hermitet santel ; en hano ar Guerc'heset santel ac an oll Sent a Santeset Doue : ra viot placet hiryo en ul leac'h a beoc'h , a ra vezo o temeuranç er barados , dre voyen ur memes Jesus-Christ on Autrou. Amen.

ORÆSON DA ZOUË EVIT AN DEN CLAN.

Doue trugarezus , Doue leun a zouçder , c'hui pini , ervez o trugarez infinit , a effaç pec'hejou ar benitantet ac a zeu , dre ar pardon pini a roït dezo , d'o netaat diouz al lousdoni eus o c'hrimou tremenet , sellit a druet ous o servicher , (pe o servicheres) pini a velit amañ clañ ; ac exaucit ar beden pini a ra deoc'h gant an oll sincerite eus e galon , da pardoni dezàn e oll bec'hejou. Renouelit ennàn (pe enni) , Tad douç a deboner , q'ement so bet eorrompet dre ar fragilité humen , pe dre an ar-

tifiçon eus an ærouant , ac unissit a nevez gant ar c'horf eus an Ilis ar mempr-mañ pini so bet prenet gant goad o Map. Autrou-Doue , o pêt truez ouz an huanadou eus e galon ; o pêt compassion ous e zaëlou , a recevit d'ar sacramant eus o reconciliacion an ini n'en devez fizianç nemet en o trugarez , dre voyen on Autrou Jesus-Christ. Amen.

ORÆSON A RECOMMANDACION EVIT AN DEN CLAN.

Me o recomand da Zoue oll-c'halleudec , va breur , (pe va c'hoar) guer , ac o les etre daouarn an ini pe da ini oc'h crouadur , evit goude ma o pezo paët dre o maro an tribut eus an natur humen , ma tistroot da gaout o Crouer pini en devez e furmet eus a fang an douar. A rac-se ra zeui ar vanden glorius a Æleaz da zigumeret oc'h ene pa sortio eus o corf ; ra zeui ar senat eus an Ebestel pere a dle barn ar bed , a-ziambroug deoc'h ; ra zeui an arme triomfant eus ar verzerien d'o receo ;

ra zeui ar gompagnunez caër eus ar Gonfessoret ornet a fourdilis a curunet a c'hloar, d'en em gaout en dro deoc'h ; ra zeui an assemble gaër eus ar Guerc'heset d'o receo gant o c'hanticou a joa ; a ra zeui ar Batriarchet d'o priata clos a d'o touguen e bruchet ar reposvan eürus ; ra zeui Jesus-Christ da zisqueze deoc'h ar visach douc a laouen a d'o lacaat etouez ar re pere a so begret oc'h assista dirazàn. Ra viot exantet diouz an horroll eus an dévaligen, diouz an ardeur eus ar flamou a diouz ar rigol eus an tourmanchou. Ra vezo soumetet deoc'h satan on adversour cruella, gant e oll vinistret an ærevent all ; ra zeui da grena gant e spont oc'h o quelet o vont e compagnunez an Ælez a ra dec'ho diouzoc'h e guelet an abimou horrubl eus a un nos eternal. Ra savo Doue, a ra vezo dissipet a chasseet e adversourien, a ra dec'ho eus e faç ar re pere o deveus cassoni ountà ; ra zisparissint evel moguet, a ra berisso ar re vechant dirac Doue evel ma teuz ar c'hoar dirac an tan. Ra zeui ar re just d'en em rejouissa evel tud couviet da ur banq'et a ra vizint carguet

a joa e presanç Doue. Ra vezo'ta goloët a vez ac a confusion an oll soudardet infernal, en hevellep feçon n'o devezo q'et ministret satan an hardizeguez d'en em opos deoc'h var oc'h hent. Ra blijo gant Jesus-Christ pini so bet crucifiet evidoc'h, o tilivra diouz an tourmanchou eus an ifern. Ra blijo gant Jesus-Christ pini en deveus tûrvezet mervel evidoc'h, o tilivra diouz ar maro eternal. Ra blijo gant Jesus-Christ mab Doue beo, rei deoc'h antre er jardin delicius eus e varados ; a ra viot anavezet gant ar guir bastor-se evit unan eus e zen'vet. Ra blijo gantan rei deoc'h an absolven general eus oc'h oll bec'hejou ac o lacât an tu deo dezàn e renq ar re pere en deveus choaset. R'ho pezo an eur da velet o Redemptor faç oc'h-faç, a da jouissa eternellamant eus e bresanç. Ra vezo eurus aoualc'h o taoulagat evit guelet sclêr ar virionez souveren ; ac o veza recevet e compagnunez ar re eürus, ra jouissot eus an douçder a so er gontemplacion a Zoue epad an oll eternite. *Amen.*

ORÆSON ALL EVIT NEP SO EN E PASSION.

Autrou Doue , recevit o servicher (pe o servicheres), er plaç a silvidiguez pini a esper da gaout digant o trugarez. *Respont* : Evel-se bezet græt. Autrou Doue dilivrit ene o servicher diouz an oll dangerou eus an infern , a diouz al liamou a boan , a diouz peb seurt affliccionou. *R.* Evel-se bezet græt. Autrou Doue , dilivrit an ene eus o servicher , evel moc'h eus preservet Enoc ac Elias diouz lezen ar maro pini so comun d'an oll dud. *R.* Autrou Doue , dilivrit ene o servicher , evel moc'h eus dilivret Noë diouz an deluch. *R.* Autrou Doue , dilivrit ene o servicher , evel ma tilivrsoc'h Abraham diouz an tan eus ar Galdeanet. *R.* Autrou Doue , dilivrit ene o servicher , evel ma tilivrsoc'h Job diouz e souffrançou. *R.* Autrou Doue , dilivrit ene o servicher , evel ma tilivrsoc'h Isaac eus a dre daouarn e dad Abraham pini a yoa prest d'e sacrificia. *R.* Autrou Doue , dilivrit ene o servicher , evel ma tilivrsoc'h Loth diouz an tan goal eus a Sodom. *R.* Autrou Doue , dilivrit ene o

servicher , evel ma tilivrsoc'h Moyses eus a dre daouarn Pharaon Roue an Egyptiantet. *R.* Autrou Doue , dilivrit ene o servicher , evel ma tilivrsoc'h Daniel eus a fos al Léonet. *R.* Autrou Doue , dilivrit ene o servicher , evel ma tilivrsoc'h an tri bugnel eus a dre daouarn ar roue mechant pini en devoa leq'et o strinca en ur forn leun a dan. *R.* Autrou Doue , dilivrit ene o servicher , evel ma tilivrsoc'h Suzanna diouz ar c'hrim a oue tamallet dizi faussamant. *R.* Autrou Doue , dilivrit ene o servicher , evel ma tilivrsoc'h David a dre daouarn ar Roue Saül ac a dre daouarn ar geant Goliath. *R.* Autrou Doue , dilivrit ene o servicher , evel ma tilivrsoc'h Sant Per a Sant Paul diouz o frisoniou. *R.* Ac evel ma tilivrsoc'h o querc'hes ac o merzeres eürus Santes Thecla dious tri seurt tourmanchou ar re gruella , o sup'pliomplomp ive ma plijo gueneoc'h dilivra ene ar paour-q'ez elàn-mâ o servicher (pe o servicheres), a da ober dezan (pe dezi) jouissa gueneoc'h eus ar joa ac eus an eürusdet celestiel. *R.* Evel-se bezet græt.

ORÆSON ALL EUS AN ILIS
EVIT NEP SO DARE DA VERVEL.

Autrou Doue , ni a recomand deoc'h ene o servicher (pe o servicheres) ac o supli , Salver ar bed , da receo etre divrec'h o patriarchet an enema pe vit ini oc'h bet an drugarez da zisq'en var an douar. Anavezit , va Autrou , o crouadur , pini ne deo q'et crouet gant doueou estranjour , mæs gueneoc'h oc'h-unan ebq'en , c'hui pini eo ar guir Doue beo ; rac ne deus Doue all ebet nemedoc'h , a ne deus nîcun a guement a ell ober ar peza rit. Pliget gueneoc'h , on Autrou , carga ene ar paciant-mâ eus a joa en o presañ , ac ancounac'haat e bec'hejou tremenet ac an excesou criminal ma ve bet couezet enno dre ar revolt eus an inclinacionou-fall a so en den. Rac pegument bennac ma en devez pec'het , n'en devez q'et cousgoude renoncet d'an Tad a d'ar Map a d'ar Speret-Santel ; q'ent-se credet en devez ar myster adorabl-mâ eus an Dreindet ac ar mysteriou all eus ar feiz , ac en devez disquezet memes

ervat oa douguet cals evit gloar Doue , ac en devez bet ar fidelite d'e adori , en pini en devez græt q'ement tra so tout.

ORÆSON ALL
EVIT NEP SO BREST DA VERVEL.

Autrou Doue , pliget gueneoc'h ancounac'haat pec'hejou e yaoanq'is ac e oll ignorañ a caout memor anezàn (pe anizi) , er sclerder eus o cloar , ervez o trugarez infinit. Grit ma tigoro an eêvou dezàn (pe dizi) , a ma teui an ælez d'en em rejouissa gantàn (pe ganti) en o rouantelez , va Doue. Grit ma vezo recevet gant Sant Mikeal oc'h Arc'hel pini en devez meritet beza prinç a cabiten eus an arme celestiel. Grit ma teui oc'h oll Ælez santel a-ziarben dezàn (pe dizi) , d'e diguemeret a d'e gundui ganto d'ar gueur eus ar Jerusalem celestiel. Grit ma vezo recevet mad gant oc'h Abostol eürus Sant Per pe da ini oc'h eus roët an alc'hueziou eus o rouantelez celestiel. Grit ma vezo assistet gant Sant Paul pini so bet din da

veza ur vessel choaset gueneoc'h. Grit ma c'hintercedo evintàn (pe eviti), Sant Yan Evangelist pini so bet choaset gant o map q'er Jesus-Christ evit reveñ dezàn e secrejou celestiel. Grit ma pedo evintàn (pe eviti), an oll Ebestel santel pe da re en devez roët on Autrou Jesus-Christ ar c'halloud da liama a da ziliama. Grit ma c'hintercedo ivez evintàn (pe eviti), an oll Sent ac an oll Verzerien eürus pere o devez anduret er bed-mâ q'ement a dourmanchou evit an hano a Jesus-Christ, evit d'ar fin goude beza distaguet diouz liamou ar c'hic, mâ verito-erruout er c'hloar eus a Rouantelez an eê dre ar sicour eus on Autrou Jesus-Christ pini a vev ac a ren gueneoc'h-u, Doue an Tad, a gant ar Speret-Santel, epad an oll eternite. Evel-se bezet græt.

Ar pedennou-ma, o veza lennet a recitet gant attancion, a excito e calon ur c'hristen ur fizianç vras en or Salver Jesus-Christ, ac en distago diouz q'ement so crouet er bed-mâ, ac en dispo da ur maro mad, ac a rei dezàn souffr gant paciantet an oll infirmiteou eus ar c'horf,

an oll afflictionou eus ar vuez-mâ, ac ar maro memes, ac en rento din da veza recevet e compagnunex ar Sent.

Evel ma vez tremenet un den a vuez ar bed-mâ, e tleer lavaret ar beden-mâ evintàn :

Sent Doue, diredit d'e sicour; Ælez an Autrou-Doue, deut a ziarben d'an ene-mâ evit e receo ac e fresanti dirac ar Vajeste souveren. Ra blijo gant Jesus-Christ pini en devez o calvet, o receo bre-mâ, ene paour, a ra zeui an oll Ælez d'o cundui etre divrec'h Abraham. Autrou Doue, roët dizi ar repos eternal a grit dizi jouissa eus o sclerigen perpetuel.

Kyrie eleison. Christe eleison. Kyrie eleison. Pater noster, etc.... Et ne nos inducas in tentationem, sed libera nos à malo. Requiem æternam dona ei, Domine, et lux perpetua luceat ei. A portâ inferi erue, Domine, animam ejus. Requiescat in pace. Amen. Domine, exaudi orationem meam, etc.

Autrou Doue, dilivrit an ene-mâ diouz porz anfern, a grit ma reposo e peoc'h. Plijet gueneoc'h

exauci va oræson ac ober d'ar c'hri eus va feden
erruout betec enoc'h.

PEDOMP.

O va Doue ! ni a recomand deoc'h an ene eus o
servicher (pe eus o servicheres), N. evit beza
maro er bed-mâ, ma vevo gueneoc'h er bed-all,
a ma e goalc'hot dre o trugarez infinit, diouz an oll
bec'hejou e devezs cometet dre ar fragilite eus an
natur humen. Ar c'hraç-se a c'houlennomp eviti
dre verit Jesus-Christ on Autrou. Evellen bezet
græt.

*Beza e tleit ouzoc'h oc'h-unan lenn gant at-
tancion a medita gant applicacion ar pedennou-
mâ pere a gompren instruccionou caër ac a
fournis matier da gals a refleccionou profitabl.
Rêt e deoc'h lacât o poan da antren er santiman-
chou pere a garrac'h da gaout neuse ; ac evel ma
zeus apanç na allot q'et applica o speret enno*

*gant o poan ac oc'h anq'en, pa viot en o passion,
ar pezh a erruo gueneoc'h souden marteze, a na
ellot q'et, en heur diveza-se, unissa oc'h intan-
cion gant ini nep a lavaro ar bedennou-mâ, dre
ma collot martese ar santimant ac an anaoude-
guez, liq'uit o poan d'e ober bremâ.*

FIN.

TAULEN GENERAL.

Pagen.

AR GUENTA SEURT PREPARACIONOU
PERE A DLEER DA OBER EPAD AR
YEC'HET.

EUS A BEGUER BRAS CONSECANÇ EO EN EM

BREPARI D'AR MARO.	1
Oræson d'on Autrou Jesus-Christ.	3
Oræson d'ar Verc'hes.	4
Oræson da Sant Joseph.	4
Oræson da Santes Barba.	5
Actou a vertus pere a dleer da ober en heur ar maro ac epad ar vuez.	5
Actou a feiz ac a adoracion.	6
Act da drugarecât Doue.	6
Act a gontricion.	8
Act a esperanç.	10
Ac a garantez.	12

	<i>Pagen.</i>
Act a gonformite ac a resignacion da volon- tez Doue.	14
Act a zesir da velet Doue.	16
EIL SEURT PREPARACIONOU DA OBER EN AMSER AR C'HLENVET.	
Avisou util d'ar re a assist an dud clan e danger ar maro.	18
Avisou util d'ar re-glan.	20
Q'ENTA EXHORTACION. Evit excita an den clan da lacaat urz en e goustianç.	22
EIL EXHORTACION. Evit excita an den clan d'ar c'hlaç'har eus e bee'hejou.	25
TREDE EXHORTACION. Evit exita an den clan da gonformi e volonteç da ini Doue a da zistaga e galon dious traou an douar.	28
PEDERVET EXHORTACION. Evit excita an den clan d'ar bacianteç, er guel eus a groas Jesus-Christ.	30
PEMPET EXHORTACION. Reflexionou' douç evit creaat an den clan a enep ar spont rac ar maro.	32

	<i>Pagen.</i>
C'HUEC'HVET EXORTACION. Var ar sacramant an nouen.	37
TREDE SEURT PREPARACION DA OBER PA SANTER AR MARO DIJA TOST.	
Evit consoli an den clan er guel eus a groas ac a souffraçou Jesus-Christ.	44
Discours leun a denerediguez gant Jesus- Christ crucifiet, pini a ell ur c'hristen da ober pa en em vel tost d'ar maro.	47
Evit consoli an den clan dre an esperanç eus un eurusdet eternal.	51
Ar volonteç diveza eus a ur c'hristen o vont da vervel.	53
Peden d'ar Verc'hes.	58
Peden da Sant Joseph.	59
Peden d'an Ælez eurus a d'ar Sent.	59
Aspiracionou devot a touchant pere a allor da recita, poset ac a nebeudouigou, dirac ar c'hlanvour en e agoni, q'ait a ma en de- vezo c'hoaz un nebeut a anaoudeguez.	61

Benediccion a dle rei d'e vugale un tad e guele ar maro.	66
---	----

PEDENNOU AN ILIS.

Evit ar re a ve en o fassion.	69
Coufi d'an ene da sortial eus e c'horf.	71
Orason da Zoue evit an den clan.	72
Orason a recommandacion evit an den clan.	73
Orason all evit nep so en e bassion.	76
Orason all eusan Ilisevitnep sodare da vervel.	78
Orason all evit nep so prest da vervel.	79

FIN EUS AN DAULEN.